



LKPD BAHASA BALI



Lembar Kerja Peserta Didik - Tingkat SMP

Wasta :

No. Absen :

Kelas :

Rahina :

Piteges: Indayang wacen teks pidarta sane murdanya "Ngulati Bali Clean and Green" ring tekslampiran utawi buku paket alit-alite sadereng ngisiang LKPD puniki.



Ngawacen Pidarta

Ngulati Bali "Clean and Green"

Om Swastyastu

Ida dané, para manggala, miwah para guru panuntun sané wangiing titiang. Taler para pamilet lomba mapidarta sané tresna asihin titiang. Ring galahé sané becik puniki ten lali titiang ngaturang suksmanin manah majeng ring Ida Sang Hyang Widi Wasa dwaning iraga sareng sami ngamolihang karahayuan miwah karahajengan kénten taler para manggalasekolah sané sampun ngicénin titiang galah jagi ngaturang pidarta ring rahina becik puniki.

Pidarta sané jagi baktyang titiang nganinin indik "Ngulati Bali Clean and Green. Saking dumun, sampun akéh pidabdabé sané kamargiang antuk krama Baliné mangda jagat Baliné setata makanten "clean and green". Kamanah antuk titiang, clean mateges bresih utawi resik, green mateges hijau, gadang ngelom utawi dayuh, saha sida ngulangunin. Dadosnyané, sesanti clean and green puniki madué patitis mangda wewidangan jagat Baliné setata makanten resik, mawastu sida nayuhin tur ngulangunin. Palemahan sané resik, asri, lestari, tur dayuh, banget pisan kaaptiang kanggén nyanggra pawangunan widang pariwisata budaya, pinaka sumber dévisa sané utama pisan.

Ida dané sareng sami sané wangiing titiang, wicara utawi pikobet sané banget karasayang olih para kramané mangkin napi malih pemerintah pinaka Guru Wisesa, wantah wicara indik sampah, anut ring konsep lingkungan tradisional ring Bali, ketah kabaosang "Tumpek Wariga", wantah rahina sané ngicénin kautaman ring sajeroning i raga ngraksa utawi miara sakancan sané maurip anutang ring konsep lingkungan hidup sané sampun ketah mamargi ring jagat Bali. Mangkin

tunasang titiang, napi ké sujati séktor pariwisata sané banget kaandelang ring Bali? Yéning sayuakti, sapunapi iraga patut niténin? Napi jagi banggyang palemahan druéné cemer, nénten asri malih?

Majanten patut kaupapira mangda setata resik tur asri, kanggén nudut pikayunan wisatawané rauh ka Bali. Sajeroning usaha ngrajegang jagat Baliné, krama Baliné ketah nginggilang sepat siku-siku sané mawasta Tri Hita Karana (tetiga sané mawinan jagaté degdeg rahajeng miwah sukerta santi). Yéning mawali ka murdan pidarta puniki, tetuek sané patut kautamayang wantah pawangunan widang palemahan. Sajeroning ngupapira widang palemahan, kantun akéh wénten wicara minakadi indik cemernyané toya miwah ibu pertiwi, polusi udara, indik sampah organik, miwah indik global warming.

Indik sampah punika utamannyané sampah plastik sané kasorohang pinaka sampah anorganik. Sampah-sampah anorganik puniki, manut para sujana sané nuréksain indik kawéntenanyané, sawiakti abot pisan ri kala pacang ngawaliang kawénténannyané, sajabaning kadaur ulang malih. Sakémaon, nénten sinamian sampah-sampah plastik punika prasida kadaur ulang, makadi sampah-sampah plastik sakadi tas kresek. Punika makawinan ring sajeroning pidarta puniki, titiang pacang nuekang bebaosan ring sajeroning judul pidarta punika.

Kaanggénnyané tas kresek salami punika, sawiakti prasida ngélahan para krama ri kala makta aban-aban, taler punika i dagang, nénten répot malih mungkus dagangannyané, sané karasa ngélahin utawi praktis, nanging yéning resepang sayan ngakéhang para kramané nganggé tas krésék, sayan ngakéhan taler polusi ring jagaté puniki, sané kasuén-suén jagaté puniki kahibekan antuk polusi sampah plastik, sané karasa méwéh antuk naur ulang, tur salanturnyané pastika akéh pikobet sané pacang metu, nénten ja ring sajeroning kahuripan i manusa kémanten, taler ring sajeroning kawéntenan tanahé sané prasida ngirisang utawi ring sajeroning pertanian nénten malih landuh sakadi sané riin-riinan.

Punika yéning karesepang, sangkaning i raga karasa gampang ring sajeroning kahuripan nganggé piranti-piranti saking plastik, nanging akéhan pikobet sané katami olih para yowan ri wekasan, nika makawinan mangdané saking pikobet sakadi puniki, mangdané metu pikayunan ngentosin piranti-piranti sakadi tas krésék saking plastik punika dados tas utawi pamungkus saking kertas, yéning dados pemerintah prasida ngamedalang undang-undang indik lingkungan hidup antuk nénten dados mawali nganggé tas krésék ring sajeroning kahuripan, sajabaning tas krésék sané prasida kadaur ulang malih, prasida kagentosin antuk tas sané mawit saking kertas, sané wekasan élah pacang kadaur ulang malih, sakadi sané sampun mamargi lumbrah ring dura negara utamannyané ring panegara-panegara éropa, sané banget pisan nyentokang tetuek kabersihan punika ring sajeroning kahuripan.

Ida dané sané wangiing titiang. Mangkin pinunas titiang, pamekas ring para yowana makasami, mangda saking alit iraga sareng ngremba lelingsiré, midabdabin karesikan miwa kaasrian palemahan jagat druéné. Yéning nénten iraga pacang ngrarisakin saha ngrajegang, sapisira malih? Napi ké wong dura negari?

Doh para ipun pacang kayun mamahayu jagat. Wantah iraga sareng sami sané patut urati utawi glitik, ngresikin pakarangan, ngresikin tlajakan soang-soang, ngresikin got-got mangda nénten sampetan. Ida dané miwah para pamilet sané singgihang titiang, Sajeroning niténin palemahan, saking dumun parajana Baliné sampun kaloktah pinaka masyarakat gotong royong, nginggilang pasuka-dukan miwah panyamabrayan, sagilik-saguluk salunglung sabayantaka, paras-paros sarpana ya. Sajeroning ngulatiang palemahan sané resik miwah asri, pidabdab krama Baliné sekala miwah niskala. Sekamiwahé, sang ngawerat mikukuhin sesanti clean and green. Tegesipun, saking alit patut krama Baliné urati ring tatakrama niténin palemahan sané asri, resik, tur dayuh. Niskamiwahé, ngupapira bhuana agung antuk ngamargiang bhuta yadnya sané matetujon ngrestitiang jagaté mangda setata rahajeng. Kawewehin antuk masegeh nyabran Kajeng Kliwon, macaru agung nyabran tileming kasanga, ngamargiang upacara tumpek wariga, miwah sané lianan.

Punika sami matetujon gumanti jagaté degdeg rahajeng, pinaka daerah tetujon wisata sané ngwetuang dévisa utama. Ida dané sareng sami, pinaka pacutetan atur titiangé i wawu, prasida aturang titiang kadi asapuniki. 1) Clean and green wantah sesanti sané kanggén nuldulin pikayunan krama Baliné, mangda setata nguratiang karesikan palemahan jagat Baliné pinaka genah tetujon wisata. 2) Sané patut ngrajegang sesanti clean and green puniki wantah i krama Bali, saking alit-alit miwah para yowana rauhing para lelingsir druéné mangda jagaté setata degdeg rahajeng.

Ida dané sinamian, wantah kadi asapunika, titiang prasida matur ring galahé sané becik puniki. Makakirang langkung atur pidartan titiang, manawi wenten sané tan manut ring arsa, sakadi unjuk lungsur, anggah ungguhing basa, lugrayang titiang nglungsur agung rena pangampura. ten lali titiang ngaturang suksmaning manah antuk uratian ida dané sareng sami. Inggih, puputin titiang antuk ngojarang parama santih.

Om Santih Santih Santih Om.

Tugas 1

Indayang alit alite nyangkepang struktur Pidarta nganutin tata titi makarya pidarta!

1. Tema.....
2. Murda.....
3. Pamahbah saking lengkara Kantos
4. Daging saking lengkara kantos
5. Pamuput saking kantos
6. Napi murdan pidartané ring ajeng?



Tugas 2

1. Napi makawinan sampah punika banget ngawetuang wicara utawi pikobet olih pemerintah?

Pasaur:

1. Sampah sorohan napi sané banget ngawetuang pikobet? (Soal no 2)

Pasaur:

1. Sapunapi pakilitan sampah sareng tumpek wariga? (Soal no 3)

Pasaur:

1. Tumpek Wariga inggih punika? (Soal no 4)

Pasaur:

1. Sampah anorganik inggih punika? (Soal no 5)

Pasaur:

7. Sampah saking don-donan kasorohang sampah napi?

Pasaur:

8. Napi makawinan pamungkus plastik punika patut kagentosang nganggé pamungkus kertas?

Pasaur:

9. Napi dampak negatif ring kawéntenan lingkungan hidup yéning pamungkus plastik punika tetep kaanggé?

Pasaur:

10. Napiké tas krésék punika prasida kadaur ulang malih?

Pasaur:

** Tugas 3**

1. Om Swastyastu, majeng ring pangenter acara, suksma aturang titian, antuk galah sane katiba ring titiang. Angga tim juri sane dahat kusumayang titiang, para pamilet punika taler ida dane sareng sami sane wangiing titiang... Lengkara ring ajeng sajeroning wangun pidarta ngranjing.....

1. Pamahbah
1. Daging
2. Pamuput
3. Pangaksama
4. pangayubagia

2. Sadurung nglantur, ngiring sareng sami ngaluhurang raga ngaturang rasa angayubagia majeng ring Ida Sanghyang Widi Wasa, duanining sangkaning pasuecan Ida, Ida dane, sareng sami prasida rauh ring galahe sane becik kadi mangkin. Lengkara ring ajeng sajeroning wangun pidarta ngranjing ring.....

1. Pangayubagia
2. Daging
3. Pamuput
4. Pangaksama
5. Pamahbah

3. Ida dane sareng sami sane wangiing titiang, yan maosang indik nangiing pariwisata patut kawitin antuk ngrajegang basa bali. Yening kemanah antuk titiang tambet, ngrajegang basa bali péunika wantah ngukuhang, ngwerdiang tur nglimbakang sahananing sane mapaiketan ring basa bali. Lengkara ring ajeng sajeroning wangun pidarta ngranjing ring.....

1. Pangayubagia
2. Daging
3. Pamahbah
4. Pangaksama
5. Pamuput

4. Basa Bali pinaka tetamian para panglisire patut setata werdiang tur limbakang maka cihna bhakti ring leluhur sane sampun namiang budaya sane adi luhung. Lengkara ring ajeng sajeroning wangun pidarta ngranjing ring.....

1. Pangayubagia
2. Daging
3. Pamahbah
4. Pangaksama
5. Pamuput

5. Ida dane sareng sami sane wangiing titiang, yening cutetang titiang daging pidarta titiang iwawu inggih punika : Basa Baline sandang pisan werdiang tur limbakang. Lengkara ring ajeng sajeroning wangun pidarta ngranjing ring.....

1. Pangayubagia
2. Daging
3. Pamahbah
4. Pangaksama
5. Pamuput

6. Kawagedan utawi kawiklanan ring sajeroning indik daging babaosan (penguasaan materi). Rikala maktayang pidarta bebaosane patut manut ring topik pidarta sane kabaktayang mangdane prasida nudut kayun para uleman sane miragiang. Tetikesan puniki kawastanin.....

1. Wirama
2. Wirasa
3. Wicara
4. Wiraga
5. Wiroda

7. kewagedan sajeroning ngaresepang lan ngerasayang daging bebaosan (menghayati). Ritatkala maktayang pidarta kacihnayang antuk pangrasa mangdane para pamiarsa sane miarsayang rumasa bagia. Tetikesan puniki kawastanin.....

1. Wirama
2. Wirasa
3. Wiroda
1. Wiraga
5. Wicara

8. Intonasi suara, vocal, tanjek bebaosan rikala maktayang pidarta mangda manut ring punggelan lengkara, punika sane ngawinan lengut kapiiragi olih para pamiarsa. Tetikesan puniki kawastanin.....

1. Wirama
2. Wicara
3. Wiroda
4. Wiraga
5. Wirasa

9. Ri kala maktayang pidarta nenten nganggen teks, riantukan sang sane maktayang pidarta nadaksara kasudi mangda mapidarta. Tata cara punika rikala mapidarta kawastanin.....

1. Dadakan
2. Kawacen
3. Kaapalang
4. Ringkesan
5. Tutur

10. pidarta sane durung kabaktayang sampun nyiagayang naskahipun sane marupa sesuratan unteng-unteng pidarta kewanten. Tata cara punika rikala mapidarta kawastanin.....

1. Tuter
2. Kawacen
3. Kaapalang
4. Ringkesan
5. Dadakan